

ЕРӨНХИЙ БОЛОВСРОЛЫН ШИНЭ МОНГОЛ ГУРАВ СУРГУУЛИЙН ДУНД АНГИД СУРАГЧ ЭЛСҮҮЛЭХ ЖУРАМ

НЭГ. ЕРӨНХИЙ ЗҮЙЛ

- 1.1. 2026-2027 оны хичээлийн жилд тус сургуулийн дунд ангийн элсэлтийг зохион байгуулах явцад үүсэх харилцааг зохицуулахад энэхүү журмын зорилго оршино.
- 1.2. Шалгалтыг бага, суурь боловсролын цөм хөтөлбөрийн агуулгын хүрээнд танхимд зохион байгуулна.
- 1.3. Шалгалтын дүнгээр анги тус бүрт 60 сурагч элсүүлэх ба нийт элсэгчдийн 70 хувийн квотыг Неосити хотхоны оршин суугчдад нээлттэй зарлана.

ХОЁР. БҮРТГЭЛ

- 2.1 Бүртгэл 2026 оны 05 дугаар сарын 4-ны 11:00 цагаас 05 дугаар сарын 21-ны 16:00 цаг хүртэл <https://shinemongol3.edu.mn/admission> хаягаар бүртгүүлнэ.
- 2.2 Бүртгүүлэхэд тавигдах шаардлага, анхаарах зүйлс:
 - a. Бүртгүүлэгчийн овог, нэрийг кирилл үсгээр бичиж, регистрийн дугаарыг алдаагүй зөв оруулах;
 - b. Бүртгүүлэгч хүүхдийн сүүлийн 3 сарын дотор авахуулсан цээж зургийг зөвхөн регистрийн дугаараар нь нэрлэн, jpeg, png, jpg өргөтгөлийн аль нэгээр хадгалсан файлыг системд оруулах;
 - c. Бүртгүүлэгчийн эцэг эх/ асран хамгаалагчийн и-мэйл хаяг, холбоо барих утасны дугаарыг заавал бичих;
 - d. Бүртгүүлэгчийн регистрийн дугаараар цахим бүртгэлд нэг л удаа бүртгүүлэх боломжтой байна;
- 2.3 Бүртгэлийн хураамж 40.000 (дөчин мянга) төгрөгийг зааврын дагуу төлснөөр бүртгэл баталгаажин, цахим бүртгэлийн системд нэвтэрч бүртгэлийн тухай мэдээллийг авах эрх үүснэ. Бүртгүүлэгч шалгалтад орсон эсэхээс үл хамааран бүртгэлийн хураамжийг буцаан олгохгүй.
- 2.4 Бүртгүүлэгч нь цахим бүртгэл хаагдсаны дараа 2026 оны 05 дугаар сарын 23-ны өдрийн 12 цагаас хойш доорх мэдээллийг бүртгэлийн системээс харах боломжтой болно.
 - a. Бүртгэлийн дугаар
 - b. Шалгалтын цагийн хуваарь
 - c. Шалгалт өгөх анги, суудлын дугаарыг авна.

Жич: Дээрх мэдээллийг бүртгүүлсэн и-мэйлээр хүргэнэ.

ГУРАВ. ЭЛСЭЛТИЙН ШАЛГАЛТ ЗОХИОН БАЙГУУЛАХ

3.1 6-9 дугаар ангийн элсэлтийн шалгалтыг Шинэ Монгол Гурав Сургуулийн байранд хуваарийн дагуу зохион байгуулна. Үүнд:

- 6,7-р ангийн элсэлтийн шалгалтыг 2026 оны 05 дугаар сарын 24-ны 12:00 цагт зохион байгуулна.

Монгол хэл-50% (40 мин)

Математик-50% (40 мин)

- 8-р ангийн элсэлтийн шалгалтыг 2026 оны 05 дугаар сарын 24-ний өдөр 09:00 цагт зохион байгуулна.

Монгол хэл-50% (40 мин)

Математик-50% (40 мин)

- 9-р ангийн элсэлтийн шалгалтыг 2026 оны 05 дугаар сарын 24-ний өдөр 09:00 цагт зохион байгуулна.

Монгол хэл-30% (40 мин)

Математик-30% (40 мин)

Хими-15%, Физик-15% (20 мин)

Англи хэл-10% (10 мин)

3.2 Шалгалтын явц

3.2.1 Шалгалтын сэдэв боловсруулах багийг томилох, нууцлалыг хадгалан ажиллах үүргийг элсэлтийн комисс хариуцна.

3.2.2 Элсэлтийн комисс шалгалтын сэдвийг шалгалт эхлэхээс нэг цагийн өмнө шалгуулагчдын тоогоор хувилж бэлтгэнэ.

3.2.3 Хянагч багш шалгалтын дэгийг уншиж танилцуулна.

3.2.4 Хянагч багш шалгалтын материалыг тарааж шалгалтыг эхлүүлэн, шалгалтын явцын тэмдэглэл хөтөлнө.

3.2.5 Шалгалтын хугацаа дуусмагц хянагч багш шалгуулагчдын материалыг болон гар бичмэлийг /ноорог/ хурааж авна.

3.2.6 Шалгалтын явцад шалгуулагч нь дэг зөрчвөл шалгалтаас шууд чөлөөлнө.

3.2.7 Шалгалтын материалыг томилогдсон багш засаж, шалгалтын хуудас болон оноог комисст хүлээлгэн өгнө.

ДӨРӨВ. ДҮН ТАНИЛЦУУЛАХ

4.1 Элсэлтийн шалгалтын дүн мэдээг 2026 оны 05 дугаар сарын 26-ний өглөө 12:00 цагт бүртгүүлэгчийн кодоор сургуулийн цахим хуудсанд болон бүртгэлийн системд байршуулна.

ТАВ. ЭЛСЭЛТИЙН БАТАЛГААЖУУЛАЛТ

5.1 Элсэлтийн шалгалтад тэнцсэн суралцагчдад 2026 оны 05 дугаар сарын 27-ны өдөр хуваарийн дагуу батламж гардуулна.

5.2 Элсэх болзол хангаж батламж гардан авсан элсэгчид сургалтын төлбөрөө бүрэн төлж барагдуулсны үндсэн дээр, Шинэ Монгол Гурав сургуулийн хичээлийн байранд ирж

сургууль болон эцэг эх/ асран хамгаалагчийн хамтран ажиллах гэрээг байгуулснаар суудал баталгаажна.

5.3 Сургууль болон эцэг эх/ асран хамгаалагчийн хамтран ажиллах гэрээг 2026 оны 05 дугаар сарын 28-наас 06 дугаар сарын 05-ний хугацаанд ажлын өдрүүдэд байгуулна.

5.4 Элсэлт баталгаажуулахаар ирэхдээ доорх материалыг бүрдүүлж ирнэ. Үүнд:

- a. Сурагчийн хувийн хэрэг (шилжүүлэг хийлгэсэн байх)
- b. Төрсний гэрчилгээний хуулбар, эцэг эхийн иргэний үнэмлэхийн хуулбар
- c. Төлбөр төлсөн баримт /Жилийн төлбөр 10.5 сая төгрөг/

5.5 Зарласан хугацаанд урьдчилан мэдэгдсэн хүндэтгэх шалтгаанаас бусад бүхий тохиолдлоор ирж бүртгүүлээгүй элсэгчдийг тус сургуульд элсэхээс татгалзсан гэж үзэн онооны дарааллаар дараагийн шалгуулагчид элсэх эрхийг шилжүүлнэ.

5.6 Элсэлтийн үйл ажиллагаанд холбогдох аливаа маргаан, зөрчлийг ярилцлагын дүн гарснаас хойш ажлын 3 өдөрт бичгээр хүлээн авч, элсэлтийн комисс ажлын 3 өдөрт шийдвэрлэнэ.

ЗУРГАА. БУСАД

6.1 Цахим бүртгэлтэй холбоотой тодруулах зүйлийг 10:00-17:00 цагийн хооронд 85991003 дугаарт холбогдож зөвлөгөөг авч болно.

6.2 Шалгалтын талаарх санал хүсэлтийг 2026 оны 05-р сарын 28-ны өдрийн 16:00 цаг хүртэл hello@shinemongol3.edu.mn и-мэйл хаягаар хүлээн авна.

ЭЛСЭЛТИЙН КОМИСС